

Na osnovu člana 59. stav (1) tačka d) Zakona o visokom obrazovanju ("Službene novine Tuzlanskog kantona" broj: 8/08, 11/09 i 12/09, 13/12, 16/13, 7/14 i 8/14), člana 74. stav (1) tačka 2), a u vezi sa članom 266. stav (2) i (3) Statuta Univerziteta u Tuzli, člana 85. Zakona o radu ("Službene novine FBiH" broj: 62/15) i člana 78. Pravilnika o radu Univerziteta, Senat Univerziteta u Tuzli na sjednici održanoj 16.10.2015. godine, donio je

**Pravilnik  
o izmjenama i dopunama Pravilnika o regulisanju angažovanja nastavnika i saradnika  
Univerziteta u Tuzli na drugoj visokoškolskoj ustanovi**

**Član 1.**

U Pravilniku o regulisanju angažovanja nastavnika i saradnika Univerziteta u Tuzli na drugoj visokoškolskoj ustanovi Br: 03-7650-6/11 od 21.09.2011. godine član 1. mijenja se i glasi.

„(1) Ovim Pravilnikom uređuju se uslovi i postupak davanja saglasnosti za izvođenje nastave akademskog osoblja Univerziteta u Tuzli (u daljem tekstu: Univerzitet) na drugoj visokoškolskoj ustanovi.

(2) Drugom visokoškolskom ustanovom, u smislu prethodnog stava ovog Pravilnika, smatra se visokoškolska ustanova koja je potpisnica Sporazuma o međusobnom razumijevanju i saradnji, zaključenog na nivou Rektorske konferencije Bosne i Hercegovine.“

**Član 2.**

Član 3. Pravilnika mijenja se i glasi:

(1) „Zaposlenici Univerziteta mogu se angažovati u izvođenju nastave na jednoj visokoškolskoj ustanovi iz člana 1. stav (2) ovog Pravilnika, na jednom nastavnom predmetu po semestru u toku jedne akademske godine ili na dva nastavna predmeta u samo jednom semestru, tokom jedne akademske godine, izvan redovnog radnog vremena na Univerzitetu.

(2) O izvođenju nastave na drugoj visokoškolskoj ustanovi vodi se posebna evidencija na fakultetu/Akademiji Univerziteta“.

**Član 3.**

Član 4. se briše.

**Član 4.**

Ovaj Pravilnik stupa na snagu danom donošenja.

UNIVERZITET U TUZLI  
S E N A T  
Broj: 03-5490-3/15  
Tuzla, 16.10.2015. godine

**PREDSJEDNIK SENATA**

**Dr.sc. Enver Halilović, redovni profesor**